



Universitätsbibliothek Paderborn

**Roemscher Keiserlicher Ma=||iestaet vnser
allergnedigste[n] Herre[n] Ernsthaffte || Beuelhschriefften/
an beide Geistliche vnd Weltliche Stende || vnd
eyngesessen der Stadt vnd des Ertzstiffts ...**

Karl <V., Heiliges Römisches Reich, Kaiser>

[Köln], 1544

Den Erwirdigen/ Hoch vnd Wolgeborenen/ Wirdigen/ Hochgelehrten/
Fürsten vnd Herren/ Ernfesten vnd Achtbarn. N. Dhoem Dechant vnd
Capittel/ Prelaten/ Abbtten/ Capitteln/ Conuenten/ vnd gemeinen Clerisey

...

urn:nbn:de:hbz:466:1-34935

Den Erwürdigen / Hoch vnd

Wolgebornen / Wüirdigen / Hochgelehrten / Fur-
sten vnd Herren / Ernuesten vñ Achtbarn. A. Dhoem Dechant
vnd Capittel / Prelaten / Abbtē / Capitteln / Conuenten / vnd
gemeinen Clerisey der Stadt Cölln / Meynen gnedi-
gen Herren vnd gütē Freunden.



Erwürdigen / Hoch vñ wolgeborn / würdigē / Hoch-
gelerten / Ernuesten vñ Erbarn gnedigen Fursten /
herñ vnd gütē freunde. E. S. G. gnaden vnd güsten
seynt meyn vnderthenig / willig vnd freuntlich dienst
vnd grütz züvor / Gnedigen Fursten herñ vñnd gütē
freundt / Römischer Keyserlicher Maiest. ist glaublich angelangt /
wie das etlich new predicanten sich bey etlichen Stettē in dem Erz-
stift Cölln eindringen / vñnd eyns theyls auffgestellt werden / die vñ
der schein des prediger Ampts / darzu sie doch ordentlicher weis nit
erfordert / den gemeinen vñuerstendigen Man von der warheit des
Gottes wort / vff verfürische opinion vñ Secten abziehen / auch vñ-
ter geystlichen vñ weltlichen erbarn fromen personē / widerwillē /
Neyd vnd has erwecken / Die ordenliche pfarher vnd Seelwalter
vñ iren ämptern bringen / sich derselben ampter vndernemen / vñ
darmit ires gefallens handeln / die alten Lößlichen Ceremoniē abstel-
len / vnd an derselben stat andere new / den gemeynen Christlichen
satzungen vñ ordnung vngemes / einfüren / Auch über dz alles zñ be-
schönung ires vngesügten vornemēs sich vff Reformation (die doch
ordentlicher weyse nit zugelassen noch approbiert) ziehen / Wiewol
sie weiter dan iuen die berüembt Reformation zugibt / ires gefallens
zuhandlen vnderfahen / vnd darbey (wiewol mit vngruunt) vorwen-
den / das sollich ire Newwerung vñ änderüg der Religion / mit irer
Maiestat willen vnd erlaubung geschehen solt. Darob dan jr Key.
Ma. (wie billich) nit gering beschwerung tragen. Vnd dweil E. S.
G. gnadē vñ güsten / auch jr andern sich sollicher irriger Lehr / Opi-
nion vnd Secten bissher enthalten / vñ derselbigen sich nit anhengig
gemacht / nach bey euch einkommen lassen / sonder denselbigen jeder

zeit wydersetz / vnd jrer Key. Maieft. befehlen vnd aufgekünnt
Mādaten vñ gepotten / gemef gehalten haben / Wölschs dā jr Ma.
von E. S. G. gnaden vñ gunsten zū sondern gnedigen gefallen köpt /
Vnd aber durch gemelten predicanten vnderstanden möcht werdē /
solich angerichte new lehr / Opinion vñ Sectē bey euch nachmals
vffzürichten vñ einzüdringen / So habē demnach jr Römisch Key
serlich Maieft. mir befolhē / vff jrer Mai. Credēz brieff / die ich hie
bey überschick / E. S. G. gnaden vñ gunsten mit allem fleiß / münd-
lich oder durch schufften zū ersuchen vnd vermanē / ob sich jemāds
wer der were / vnderstehenn wurde / die obgerürte Reformation /
oder andere neuwerung in der Religion bey euch vffzürichten / das
E. S. G. gnaden vnd gunsten dem nit stat gebē noch gedulden / son-
der bey vnser waren Christenlichen Religion vnd glauben / wie bis
her bestendiglich pleybem / vnd euch jr Ma. befehl / Mandaten / ge-
pot / vnd gebots brieffen / gemef vñ gehorsamlich halten / Wie sich
jre Ma. des zū E. S. G. gnadē vñ gūsten / vñ euch andern genzlich
versehē. Daran thünt E. S. G. gnaden vñ gunstē Got dē almechtige
ein gefelligs werck / von dem sie on zweiffel die belonung Reichlich
entpfahen werdē / vñ auch hochstgemelt Key. Ma. gegen E. S. G.
gnaden vnd gunsten / vnd euch andern samptlich vnd sonderlich mit
allengnaden zu jederzeit zubedencken in kein vergeß stellen. Das hab
ich auf hochstgedachter Key. Ma. befehl E. S. G. gnaden vñ gun-
sten / vnd euch andern vnangezeigt nit sollen lassen. Datū Wormbs
am xij. Nouembris. Anno etc. xliij.

Johan von Laues Rō. Key.
Ma. Rath vñ Vicecāzler / etc.